

TARIKH : 3/8/2022

SURAT KHBAR : HARIAN METRO

MUKA SURAT : 5

JKKP Selangor siasat punca lelaki mati dilibas bilet besi

Shah Alam: Jabatan Keselamatan dan Kesihatan Pekerjaan (JKKP) Selangor menjalankan siasatan bagi mengenal pasti punca kematian seorang pekerja lelaki yang dilibas bilet besi.

Dalam kejadian Jumaat lalu, mangsa maut akibat kemalangan ketika mengangkat bilet besi itu menggunakan kren gerak atas (OTC).

JKKP Selangor dalam kenyataannya memaklumkan kemalangan melibatkan pekerja tempatan berusia 51 tahun di sebuah kilang pembuatan logam yang terletak di Jalan Waja Bukit Raja Industrial Estate, Klang sekitar jam 10 pagi.

Jabatan itu memaklumkan sepasukan pegawai penyiasat diarah menjalankan siasatan sejurus menerima maklumat berhubung kejadian itu.

"Daripada siasatan awal yang dijalankan, didapati



Bagaimanapun, selepas meletakkan bilet besi di bahagian sekerap yang diangkat dari tempat pemunggahan, operator OTC menyedari mangsa terbaring di kawasan itu"

JKKP Selangor

bahawa mangsa sedang menjalankan kerja-kerja penyelenggaraan 'tundish' yang terletak di laluan OTC di bahagian sekerap.

"Bagaimanapun selepas meletakkan bilet besi di bahagian sekerap yang diangkat dari tempat pemunggahan, operator OTC menyedari mangsa terbaring di kawasan itu," menurut kenyataan itu.

Jabatan itu memaklum-

kan ketika ditemui, mangsa dalam keadaan cedera parah dan disahkan meninggal dunia di tempat kejadian oleh petugas kesihatan.

Susulan itu, JKKP Selangor mengeluarkan Surat Arahan Larangan Kacau Ganggu tempat kejadian kepada pihak majikan dan Notis Larangan Serta-Merta juga dikeluarkan bagi menghentikan kerja-kerja mengangkat menggunakan OTC, selain Notis Pembaikan untuk mengadakan prosedur kerja selamat bagi kerja-kerja penyelenggaraan jentera.

"JKKP Selangor akan mengambil tindakan perundangan ke atas pihak yang bertanggungjawab sekiranya didapati berlaku pelanggaran di bawah peruntukan Akta Keselamatan dan Kesihatan Pekerjaan 1994," menurut kenyataan itu.